

Recherche ta investigando e caso

Desconoci a haci 6 yamada pa exterior riba linea di telefoon di otro persona

ORANJESTAD(AAN) -- Diahuebs pa mas o menos 2.10 or di merdia un homber a entrega un keho na Recherche cu sin su autorizacion persona(nan) a

yama riba su telefoon pa exterior y esey a causa cu su recibo di telefoon a bin masha halto.

El a mostra e miembronan di Recherche su recibo di telefoon di Mei caminda por constata cu esaki ta masha halto mes.

El a bisa e miembronan di Recherche cu el a bay Setar pa mira si ta un fayó a worde haci. Sin embargo nan a mustré cu dia

3 di Mei entre 4'or di atardi pa 8'or di anochi, 6 yamada a worde haci pa exterior.

Den e caso aki, dos yamada tabata pa Hulanda mientras cu cuatro yamada tabata pa Curaçao. E homber a keda masha sorprendi ya cu e ta insis-

ti cu ningun momento el a haci yamada pa exterior.

Relaciona cu e caso aki, miembronan di Recherche a tuma contacto cu Curaçao pa averigua e numberman a worde yama. Manera por corda, algun tempo pasa Recherche a haye confron-

ta cu casonan caminda desconoci(nan) ta corta waya di telefoon y haci yamada pa exterior riba cuenta di otro hende.

Tambe ta asina cu personanan por haci yamada riba telefoon di esnan cu ta usa e sistema "wireless". E caso aki ta bao investigacion.

Inter Bank a inaugura su sucursal na San Nicolas

ORANJESTAD (AAN) -- San Nicolas tin un potencial masha bon como un centro pa industrianan cu ta mas orienta na duna servicio. Esaki tabata un declaracion di Sr. Alex Mansur den su discurso na ocasion di inauguracion di e promer sucursal di Interbank na San Nicolas.

Ayera tardi Sr. Karel Wever, Presidente di e San Nicolas Business Association, a toca e privilegio di inaugura e promer sucursal di Interbank N.V. Esaki a wordo estableci den e antiguo edificio di Spritzer & Fuhrman den B. v/d Veen Zeppendfeldstraat y ta habri pa duna tur servicio bancario na e habitantenan di San Nicolas y alrededor. E gerente di e sucursal aki lo ta Sra. Maybel Banfield de Cuba.

Den su discurso sr. Alex Mansur, Presidente di e Consoho di Comisaronan di Interbank, a bisa cu ta un ocasion di plena satisfaccion y alegria pa habri un sucursal di e banco na San Nicolas. En bista di cu mas y mas firmanan comercial y residen-tenan di San Nicolas y vecindario ta depositando nan confianza den e banco, a decidi di habri un sucursal cu servicionan bancario completo na San Nicolas pa facilita e necesidadnan bancario di e com-



unidad aki y di henter Aruba.

Sr. Mansur a bisa cu aunke e banco ta esun mas hoben di Aruba, ya el a establece un nomber caba como un banco progresivo. "Interbank ta orguyoso di ta forma parti di e comunidad arubano y tambe su contribucion na progreso di Aruba", el a bisa. "E situacion

economico di San Nicolas a yega su punto mas abao y ta toca nos awor pa conhuntamente cu e comunidad aki trata pa e progreso di e distrito aki".

Tambe el a bisa cu Interbank ta recomenda tur hende sinceramente, pa lubida e tempo malo cu a pasa y tene bista riba e futuro, un futuro, segun sr. Mansur, cu "nos tin plena confianza lo bay ta bon".

Na e ocasion aki Interbank a haci cuatro donacion na institucionnan caritativo y di servicio civico na San Nicolas, cu ta:

- Bejaarden Verpleegtehuis San Nicolas, representa pa su directrice Zuster Jacobina;
- Village Florence Elderly Home, representa pa su Presidenta Sra. M.M. Helmen;
- Wit Gele Kruis San Nicolas, representa pa e Hoofzuster pa distrito di San Nicolas, Srta. Charissa Daly; y
- Meals on Wheels, representa pa su presidente sr. Bertie Viapree.

Di parti di DIARIO, un palabra sincero di felicitacion ta bay pa Interbank N.V. y palabranan si speranza cu e empresa bancario aki lo crece y lo ta exitoso pa bienestar di San Nicolas. PABIEN!!!!



Resultado di examen di Maria College ETAO

ORANJESTAD(AAN)-- Ayera nochi a tuma lugar den Tivoli Club, entrega di diploma na e studiantenan cu a pasa nan examen cu exito.

Esnan cu a gradua den kantooropleiding, Sharin Agostin, Milushka Croes, Suzy Croes, Omaira Dijkhoff, Emid Geerman, Geraldine Giel, Thomasa Gomez, Nancy Hernandez, Radella St. Hill, Jeanette Kelly, Cherlyn Lumenier, Sandy Maduro, Vivian Stamper, Juliette Werleman, Reginald Conrads, Jose Koolman, Julio de Mey, Gilberto Spatair, Patrick Tromp, Magda Erasmus,

Ava Frans, Marlene Geerman, Sharine Giel, Valerie Hodge, Paulyendra St. jago, Ivy Kransen, Helen Lampe, Sharine De Mey, Jessemine Schwengle, Linda Tromp, Kathleen Winklaar, Jairo Erasmus, Leslie Hoevertsz, y Rockson Kelly.

E alumno Thomasa Gomez a resulta e alumno cu a slaag cu mihor resultado.

Esnan cu a slaag pa 3 de klas, Jennie Chen, Maritza Dijkhoff, Xiomara Christiaans, Gina Erasmus, Evelina Figaroa, Rosemary Giel, Almira Maduro, Jessica Martis, Jalitza Medina, Iran Montero, Lurdariz Pirela, Jacqueline Thode, Esther Tromp,

Stella Vrolijk, Xiomara de Windt, Cesar Loopstok, Michael Maduro, Patrick Maduro, Carlos Nuñez, Carolina Cecilia, Marisella d'Aquiar, Anna Camara, Marisca Croes, Sheila Flanegin, Carmencita Henriquez, Janise Hernandez, Bianca Martinez, Jeandery Sanchez, Daphne Tromp, Evelyn Tromp, Jeannette Tromp, Milly Tromp, Gwendy fer Wiel, Gilbert Arends, Kenneth Rosaria, Wilfrido Williams, y Lilian Wolff.

E alumna Jacqueline Thode a sali e mihor graduada entre e alumnonan di 3 de klas.

Studiantenan cu a pasa nan examen cu exito na MAO School

ORANJESTAD(AAN)-- Na MAO School e siguiente studiantenan a pasa nan examen cu exito.

Den e pakete secretaria, Tica Boekhoudt, Junine Croes, Ingrid Hill, Sigrid Javios, Erlinda Kelly, Erlyn Thiel, y Shamila Tromp.

Como Assistent Administratie, Ivonne Bertrand, Curt Clementina, Magaly Croes, Yolanda Courtar, Robin Hassell, Ethleen henson, Maria Kelly, Rina Lampe, Melina Peternella,

Alvir Quandus, Alfonso Ridderstap, Lisette Tromp, y Juliette Werleman.

Pa Administratie, Odette de Andrade, Giovanni Anthony, Morela Dirks, Maria Francisus, Jose Franken, Mina Hodge, Laura Lopez, y Lucia Werleman.

Directiva y docentenan ta felicita e studiantenan cu e logro importante aki y ta recordanan pa asisti na e entregamento di diploma Diahuebs dia 5 di Juli proximo na Isla di Oro.